

清末民初
史料叢書 第四十六種

據清·光緒二十三年刻本影印

清·岑毓英撰

岑襄勤公奏稿
三十卷
(二)

成文出版社印行

攻克大小圍埂賊巢蒙化全境肅清摺

同治十二

年正月二十二日

奏爲官軍攻克大小圍埂賊巢逆酋悍黨悉數殄滅蒙
化全境肅清恭摺仰祈

聖鑒事竊查蒙化廳屬之大小圍埂係逆匪老巢有村
寨二十八處煙戶一萬餘家築土城二十二座外立木
柵石礮百餘營地險而寬賊多且悍距大理府城九十
里距趙州彌渡六七十里衝途四達實爲要害之區臣
等前飭記名提督李維述楊國發等軍進剿先後攻克
馬里廠萬家廠三家村大小麥莊各土城賊營業經奏
報在案嗣李維述楊國發督率副將張仕進張宗久劉

興游擊李維通等由西北面之禾谷村上下巡檢村一路連營而進又飭游擊岑有富陳發昌楊國寶蘇洪都司陳其耀知縣楊景修等由東南面之小麥莊三家村河底街一帶紮營合圍環攻四十餘日掃平賊營碉樓七十餘座攻克晏基廠乾魚莊王官廠等處土城斃賊二千有餘直抵大圍埂賊巢開挖地道晝夜圍攻十二月十一日官兵攻拔大理郡城捷音一至軍心益奮攻至十四夜大圍埂之賊開柵衝出攻撲官軍營盤經各軍面面兜剿仍敗回巢官軍乘勢掩入分股巷戰至十五日天明當將大圍埂克復計斃悍賊三千餘眾生擒僞大司衛馬逢駿僞大將軍馬元奎等八十三名搜獲

銅木僞印八十六顆解驗前來

臣

毓英當卽訊明就軍

前正法傳首被害地方以昭炯戒此攻克大圍埂之情
形也其小圍埂賊巢地更險要賊匪較多

臣

毓英於克

復大理後卽分派副將岑寬德參將覃修綱雷應山岑
應麟楊好謀等各營官兵馳往隨同李維述楊國發各
軍進剿該逆賊晝則負隅固守夜則出隊撲營官兵連
日進攻每傷精銳猝不能拔

臣

一面商飭提督楊玉科

分派副將蔣宗漢和耀曾李應舉和述廷木逢春等各
軍馳往合剿一面趕辦大理善後事宜至十二月二十
四日各事初有頭緒

臣

毓英卽親赴前敵查看形勢規

畫機宜諗知賊巢內糧米軍火積蓄甚多該逆賊又係

百戰餘孽憑險死拒非設法逼攻難期得手當飭各軍由西北面開挖地道數十處督兵穴地而進蟻附而行賊之槍礮雖多不能下擊遂得直逼牆濠二十七八等日蔣宗漢覃修綱岑寬德等地道告成先後實以火藥施放轟陷牆垣數十丈各軍由倒口奮力衝入殺斃賊匪三百餘名奪據西北面賊房一百餘間修築成營該逆晝夜攻撲官軍以槍礮隊禦之斃賊甚眾至二十九日楊玉科由大理親率各軍赶到小圍埂因西北面賊巢已破蔣宗漢覃修綱岑有富等復由所占房屋另開地道惟東南面官軍尙未破入賊巢楊玉科與楊國發李維述等熟商遂由東南面併力紮營直抵牆濠趕挖

地道十數穴新正元日四面地道告成實以火藥同時
施放將東南面牆垣崩倒數十丈西北面所放地道亦
震倒房屋百餘間斃賊無數楊玉科李維述楊國發暨
辦理營務池南道蔡錦青等分投督隊懸不貲之賞嚴
退後之誅官軍面面齊進岑寬德帶隊直擣賊巢被賊
礮傷陣亡覃修綱岑有富等復率兵繼入楊玉科又親
帶蔣宗漢和耀曾李應舉彭子祥彭振綱趙欽孫毓及
已革副將黃世昌等更番疊進攻破賊屋多間斬擒賊
匪約七八百人副將銜都司徐國治游擊銜守備朱文
遠武舉趙聯斗躬冒礮石奮勇當先俱已陣亡兵勇人
人憤極晝夜皆不停戰至初三日申刻將西北面房屋

概行政克逆匪退入禮拜寺內堅守不出初五日辰刻楊玉科復挑敢死之士破壁而入四面官軍乘勢衝進縱火焚燒賊勢瓦解由東南奪路逃竄經李維述楊國發等軍層層截殺屍骸枕藉約斃賊匪五千餘人尙有逆酋僞大司伐馬應昌僞大司戎馬應超僞西衛大將軍馬維涼等率領悍賊死踞房屋十數所楊玉科楊國發復指揮兵勇搬運柴草圍而焚之逆賊悉爲灰燼地方一律肅清此攻克小圍埂之情形也臣等查大小圍埂地方原係回多漢少當承平之時回人皆兇悍成習橫行無忌故杜逆以永昌罪犯遁迹此間其倡亂之初亦係圍埂回眾助賊萬餘由下關衝入大理遂盤踞十

有八載屠戮五十三城是滇省之禍以杜逆爲首而杜逆之黨以圍埂居多罪大惡極民兵共憤不待激勸而各皆勇往倍常計自上年五月進兵以至攻克賊巢先後殺賊不下三萬餘眾兇悍逆匪殄滅盡淨是皆仰賴朝廷福威始得收此速效官民同聲慶幸現在滇省僅有順甯府雲州騰越廳三城及小猛統猛郎錫臘烏木寨馬家村五處賊巢未克據各處紳耆紛紛到營請兵臣毓英前於攻拔大理後奏明分兵乘勝進剿卽派記名總兵段瑞梅游擊許士坤都司范桂興委署順甯府知府陳泰琨共帶兵勇一萬五千餘名進攻順甯府城又派升用總兵蔡標副將陸純剛游擊李朝相等共帶

兵勇六千餘名進攻雲州城均於本年正月初二初四等日分道前往臣等現飭催李維述統帶所部兵勇馳到騰越本任規取廳城竝督同楊玉科添派各軍相機策應暨分攻猛郎小猛統等處賊巢務期蕩平餘孽綏靖全滇仰答

高厚鴻慈於萬一此次攻拔大小圍埂賊巢其

賞穿黃馬褂記名提督開化鎮總兵瑚松額巴圖魯楊玉科於久勞征戰之後喘息未定之時不辭勞瘁不避艱險力拔堅巢殄滅巨寇忠勇奮勤尤爲難得

賞穿黃馬褂記名提督騰越鎮總兵達春巴圖魯李維述首先進兵疊破賊巢擒渠掃穴謀勇兼優該二員應

如何

加恩獎敘之處出自

逾格鴻施記名提督楊國發克敵制勝膽略超羣疊破賊巢戰功久著可否仰懇

天恩賞穿黃馬褂其在事尤爲出力之補用副將張仕進張宗久補用副將勳勇巴圖魯劉興均請交軍機處記名遇有總兵缺出請

旨簡放劉興竝請

賞換清字勇號副將銜補用游擊健勇巴圖魯岑有富副將銜補用游擊趙開祥李維通王文化補用游擊蘇應瑞宋爲英侯應賢均請免補游擊以參將儘先補用

岑有富竝請

賞換清字勇號趙開祥竝請

賞給勇號蘇應瑞宋爲英侯應賢竝請

賞加副將銜副將銜補用都司李芳梅王福有李杞材
陳旺游擊銜補用都司蘇洪葉萬發周聯科胡泗樊鍾
溢均請免補都司以游擊儘先補用蘇洪等五員竝請
賞加副將銜游擊銜補用守備楊思禮都司銜補用守
備唐發榮王瑞唐昌典呂治興許應祥薛占元何聯科
韋學輝均請免補守備以都司儘先補用楊思禮唐發
榮王瑞唐昌典竝請

賞加副將銜呂治興等五員竝請

賞加游擊銜同知用賓川州知州恆璋請開缺免補同知以知府儘先補用揀發通判萬春請免補本班以同知儘先補用恆璋萬春並請

賞戴花翎候選通判吳德燦請以本班畱滇補用並

賞加同知銜升用同知直隸州知州補用知縣黃增義補用知州崇謙補用知縣張之彬均請免補本班以同知直隸州知州儘先補用並

賞加運同銜候選知縣張金榮請免選本班以同知直隸州知州不論雙單月儘先選用並

賞戴花翎揀選知縣李書元楊懋請以本班不論雙單月儘先選用並

考 卷七
賞加知州銜貴州補用知縣李文運請免補本班以同
知仍畱貴州儘先補用並

賞戴花翎候選訓導段生玉孫錫舉人陳章美副榜朱
鳳翔貢生范熹均請以教諭不論雙單月儘先選用候
選府經歷舒文華候選縣丞楊攀雲均請免選本班以
州同不論雙單月儘先選用並加知州銜都司銜補用
守備李安邦都司銜補用千總張煥守備銜補用千總
張有福張得全楊均國和浩張洪德楊有爲楊榮春均
請免升守備以都司儘先補用李安邦等五員並請
賞加副將銜和浩等四員並請

賞加游擊銜守備銜補用千總陳發盛李向陽劉洪貴

楊和林李尙彬張建劉貴均請以守備儘先補用並
賞加都司銜把總楊仁修何儒珍何長友張績善岑卓
立李如標張發科岑文品湯成美曾榮陞李得彩劉春
周起良李廣李永清趙家升周福隆黃雲亮駱受福陸
世珍王進先張天明黃翔張士春魏國才武生劉興元
均請以千總儘先補用楊仁修等九名並請

賞加都司銜

賞戴花翎曾榮陞等十七名並請

賞加守備銜

賞戴藍翎外委沙玉高馬有委姚祖恩鄧載福岑秀階
龔佩林何正東楊恩照岑有華馬映蕃勇目楊鳳朝陳

忠材魯發魁饒剛郭有成高玉賞高漸達舒長林劉文
富姬朝政劉永忠李彩鵬王文煥楊連榮李懷玉楊國
銘蘇祥熊兆祥盧大鴻岑秉龍岑中元劉榮鄒士恆岑
游彪楊貴昌張士遵安潤均請以千總儘先補用並

賞戴藍翎廩生楊永烈請以訓導不論雙單月儘先選
用縣丞職銜蕭廷尉徐士清候選從九品張子和潘國
元文生耿開銓陳廷用池鳳鳴均請以縣丞不論雙單
月儘先選用並

賞戴藍翎文生趙汝翼楊肇基蕭品清文童張步孔蘇
宣烈顏際昌張晟岑錦堂劉用中劉上珍覃品芳張茂
岑昆朗馮紹武均請以從九品不論雙單月儘先選用

竝

賞戴藍翎陣亡之補用副將勤勇巴圖魯岑寬德副將
銜補用都司徐國治游擊銜補用守備朱文遠守備銜
補用千總李朝梁梁洪貴五品頂戴補用把總華以昌
補用把總夏文漢任汝翼李成美高懷武舉趙聯斗六
品頂戴補用外委楊有才張正六品頂戴楊春記名拔
補把總楊上達張曜王之佐楊保壽趙光明魏青山傷
故之補用州同劉枝玉瘡故之寶甯縣典史張保銛補
用把總梅應芳等均堪憫惻相應請

旨敕部分別從優議卹以慰忠魂所有官軍攻克大小
圍埂賊巢羣酋悍黨悉數殄滅蒙化全境肅清各緣由